

中山先生

榮哀錄



一九四五年十月
光緒於寧夏




中華民國十五年四月初版
中華民國十六年五月再版

榮 哀 錄 (全一冊)

(外埠酌加郵費滙費)

每冊定價大洋四角



版權所有

著	者	民	權	書	局			
印	刷	者	民	權	書	局		
發	行	者	民	權	書	局		
經	售	處	各	省	各	大	書	局

囑 遺 理 總

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族并同奮鬥現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至囑

革命尚未成功
同志仍須努力

孫文

博愛

孫文



大道之行
天下為公

孫文



孫中山先生傳

先生名文。字逸仙。後號中山。民國紀元前四十七年。生於廣東香山縣。父道川業農。母楊氏亦農家女。兄弟三人。先生最小。十三歲入私塾。向講洪楊故事。深爲感動。卽抱革命大志。其後赴夏威夷。入耶穌教會學校。尋入廣東中西醫學校。復轉學香港醫學校。卒業後。在澳門充當醫生。名大噪。尋至廣州。運動革命。黨員漸多。清光緒二十三年。先生組織興中會。糾合同志。擬舉事。會謀洩。亡命海外。至英國倫敦。清廷駐英公使龔照璦。誘之入公使館。拘之。欲送之回國。事爲英政府所聞。嚴重抗議。遂得釋。義和團變後。唐才常擬在湖北舉事。謀洩就義。先生親至台灣。會合同志。與廣東三合會首領鄭弼臣楊飛鴻祕密聯絡。擬攻惠州。失敗。尋赴日本。與中國留學生結交。組織同盟會。此時始與黃興。胡漢民。汪兆銘。陳天華。宋教仁。劉揆一等相識。確立革命團體之基礎。尋去日本。赴歐美各國。鼓吹革命思想於華僑之間。武漢起義後。各省革軍首領。電請先生歸國。南京臨時政府成立。先生被舉爲臨時大總統。於民國元年一月一日。在南京就職。努力於中華民國正式政府之建設。至二月十二日。南北和議成立。清帝退位。先生辭臨時大總統之職。歸廣東。八月下旬至北京。與袁世凱會見。允擔任全國鐵路督辦之職。二年三月宋教仁爲袁世凱所刺。第二次革命失敗。先生走日本。組織中華革命黨。四年袁氏帝制問題發生先生遣居正往山東。陳其美。許崇智。往上海。朱執信往廣東。石青陽往四川。其他南北各省。亦皆遣黨員前往。密謀倒袁。五年由日本回國。旅居上海。盡力鼓吹主義。六年對德宣戰事件發生。先生與李烈鈞等赴廣東。組織軍政府。被舉爲大元帥。七年五月。軍政府改組。被舉爲總裁。八年七月辭職赴滬。九年

孫中山先生榮哀錄

二

十月粵軍攻下廣州。岑春煊之軍政府瓦解。十年四月先生被舉爲軍政府大總統。十一年五月。陳炯明叛。先生移居軍艦。與陳部對抗者一月餘。尋赴滬。十月許崇智等起兵討陳。攻下廣州。十二年春。先生又由滬赴粵組織大元帥府。各軍將領尊推先生爲大元帥。與曹錕之政府對立。十三年十月。曹錕失敗。段祺瑞被推爲臨時執政。約請先生來京共商國事。先生於十一月由粵赴滬。復轉道日本來津。十二月到津。肝疾大發。同月二十一日。由津抱病來京。仍不能離床。百般醫療罔效。卒以十四年三月十二日上午九時三十分。逝於北京鐵獅子胡同行轅。享年六十有一歲。現夫人宋慶齡女士本爲先生祕書。於民國三年在日本結婚。

孫中山先生逝世記

垂危時之情況

孫中山先生自十三年十二月三十一日下午四時抵京後。寓北京飯店一百四十五號。旋因病於一月十七日入協和醫院治療。二月十八日由協和醫院遷入鐵獅子胡同行轅。除由克利醫生注射外。間用中醫。並未見效。至三月十二日上午九時三十分。此手造之中國第一偉人。竟爾與世長辭。孫先生原病癌。肝硬如石。敲之有聲。經王綸醫士用驅癌藥液。施以注射。至十日上午八時。注射已至七次。腹中水分。增漲如故。王醫士告辭。由克利醫生施用手術。取出腹中水分。病狀略輕。十一日下午九時。曾令大公子孫科與子婿戴恩賽。至病榻前。囑令順事繼母宋夫人。並詢汪精衛以聯軍戰事情形。汪告以聯軍捷報。孫謂可電漢民。千萬勿擾百姓。醫者戒以勿多言。遂止。十時許孫又召汪精衛。係科。陳友仁。喻毓西。至榻前。告以本人此次北來。放棄地盤。完全希望謀成中

國之和平統一。而欲促成國民會議。以解決國是。能達到民主主義。五權憲法之目的。余雖死亦瞑目地下。言下淚奪眶而出。左右亦皆掩泣不止。先此時氣急上逆。喘息不止。病狀陡變。克利急施以注射。神志略清。旋入昏睡狀態。至十二日上午一時三十分。先生轉側甚盛。顧狀極呈不安。喉中作哮喘聲。看護進麥稅湯少許。多流出牙床之外。此時言論不大明晰。三時十分喘愈甚。以手撫胸不止。入氣甚微。左右皆痛泣。八時三十五分。看護進牛汁。先生已不能啓齒。九時十分。許世英來慰問。直入病室。握先生手。先生兩目向上直視。漸不見黑眼珠。許退出云去報告執政。先生於此病狀萬分沉重中。又急呼國民會議。同志奮鬥等語。聲矇矓不可辯。逾十分鐘。時至九時二十五分。先生呼精衛。汪至。先生張口欲有所言。不能出聲。汪請先生安睡。時先生喉中啞氣上湧。面部轉白色。手足漸冷。不能動彈。喻毓西扶先生臥正。九時三十分。先生氣絕。締造民國革命元勳之孫中山。竟與世長辭矣。先生彌留時之呼精衛爲先生最後之絕聲。汪言之。猶感痛不已。

臨時執政卹令

前臨時大總統孫文。倡導共和。肇新中夏。辛亥之役。成功不居。仍於國計民生。殫心擘畫。宏謨毅力。薄海同欽。本執政夙慕耆勳。亟資匡濟。就職伊始。敦勸入都。方期克享遐齡。共籌國是。天胡不愍。遽奪元功。軫念艱虞。彌深愴悼。所有飾終典禮。著內務部詳加擬議。務極優隆。用符國家崇德報功之至意。此令。

中華民國十四年三月十二日

入殮時之詳情

孫中山先生於三月十二日上午九時三十分逝世後。家屬因孫先生遺囑令保存遺體。由孫哲生君直接

與協和醫院院長交涉。該院謂可設法使遺體保存。遂由家庭決定於午後二十分左右。用醫院大汽車將孫先生遺體遷至協和醫院。由孫哲生孔庸之兩君隨車同往。當先生遺體移至寢室時。黨中同志及來弔之賓客數百人。分立院中兩旁。齊向遺體行三鞠躬禮。然後分乘汽車馬車送至醫院。因格於院中規則。多未能隨遺體入院。遺體卽由協和醫院醫生美人某與助手二人。施行手術。由先生心部微下方外皮割開。徐之將心臟腸腎取出。由劉瑞恆檢察先生病源。發現膽囊內有小核六枚。在醫學上名爲膽沙。肝部亦有瘤。卽爲先生之致命傷。當用藥水洗滌。分別另儲玻璃瓶內。劉瑞恆已將先生病因及症狀。作成具體報告書。不久卽公布。復將先生腹內。加以洗滌。排除毛細血管內空氣。入藥液。再用藥線縫好創口。先生儀容如生。然後請夫人與公子孫科先生女婿戴恩賽。宋夫人親弟宋子文三人入視。宋夫人與孫戴等撫尸大痛。醫生看護等亦爲之淚涔涔下。先生遺體入醫院後。始終在旁看視者。孫戴外尚有廣州政府侍從武官隨先生北來之李榮。李朗汝。鄧彥華。趙超。梅克培。劉季生。馬超俊。李仙根等八人。此八人自先生罹疾後。寸步不離。昨日醫生手術告竣後。宋夫人特令李等入視。以爲與先生遺體最後之會見。李等懷念故主。泣不成聲。一時理科病室內頓呈慘淡景象。先生遺體施行手術。係於十五日十時告竣。院長劉瑞恆原準備醫院內舊存之美國式棺。爲先生裝殮之用。初檢視第一具時。孔祥熙嫌其過小。遂改用較大之棺木。棺作橢圓形。前端微方。爲美國上等木料。上方用玻璃製成。棺之隔層爲透明體。俾啓開上蓋後。卽可瞻仰先生之遺容。先生遺體着民國大體服。足着皮鞋。內衣完全西式。截大禮帽。雙眼緊閉。鬚作八字形。遽然視之。幾疑爲先生暫時睡眠。而不知此創造民國之第一革命偉人。竟於此六尺之棺內。長眠不醒。先生遺體由馬超俊李仙根等抬入棺內。由孫科等親視含殮。諸人向遺體三鞠躬。宋夫人哀傷甚盛。公子孫

科命人扶之出院。用汽車送回行轅。旋有吳稚暉。于右任。李烈鈞等均至醫院弔唁云。另一報告。橢圓形棺。係由鄧洪年籌集資購辦者。所費爲一萬數千元。左右底三面皆沉香木。上面則以玻璃磚作蓋。可望見遺體。俟歐洲定製之棺運華後再行重殮。

移靈時之大典

三月十九日爲孫中山先生移靈大典舉行之日。早起時天色黯淡。呈一種淒慘氣象。自上午八時起。各團體各學校中外男女送殯人士。已漸次前往。由國民追悼大會指揮員王樂平等。分別指揮。各送殯團體。在東單三條胡同。王府井大街。帥府園等處街道兩旁。排隊站立。並分別發給青紗白花。秩序甚屬整齊。十時許人愈到愈多。由協和醫院至中央公園。幾無一片隙地。總計約十二萬餘人。實爲北京空前未有之盛舉。

十一時家禱禮畢。由第一組舉柩人張繼等八人。用青布挽柩環。將遺襪抬出禮堂。時門外各學校各團體與各機關送喪者。不下十餘萬人。花圈輓聯觸目皆是。不可勝數。由協和醫院南門。經王府井大街至中央公園。沿途警廳已派出保安隊。分段置崗。維持秩序。沿途各店戶門口與樓房上面。均有中外人士鵠立。恭送先生靈柩。致途爲之塞。所有行經該處之汽車馬車人力車。均繞道他處。警衛司令鹿鍾麟。參謀長李興中。親爲照料一切。同時由吳稚暉。李烈鈞。楊杏佛等分配行列。秩序如下。(一)警察。爲警察廳保安隊與內左一區全體警士署員。約三百餘人。(二)軍樂隊。執政府派出軍樂隊一連。警察廳軍樂隊一隊。(三)飛機。航空署特派出大維樣式飛行機三架。在孫喪行經各處繞空飛行。散布遺容。(四)送喪代表有國民追悼孫中山先生大會代表。京漢鐵路工會代

表。國民會議促成會代表。國民會議協進會代表。京師總商會代表孫學仕。教育會農會各省法團聯合會等。約二百餘團體。人各手執白旗。上書追悼孫先生字樣。胸掛白花。臂挽青紗。(五)樂隊。爲軍部內務部樂隊。(六)送喪代表。執政代表梁鴻志段宏業。交長代表鄭洪年。善後會議祕書長許世英。及章士釗。王九齡。姚震。劉治洲。廣東同鄉會代表梁士詒。梁與先生在粵共謀國事。感情素篤。故特由津趕來。親行走送。此外各部院署代表。郭昭陳匪石等五百餘人。(七)私人方面。有黃郛康新民等千餘人。(八)外交部軍樂隊。(九)各學校有燕大。北大。法大。民大。平民大。清華大。女師大。師大。及各中小學等。全體男女學生教職員約數萬人。(十)護衛隊。有執政府技術隊第一營。海軍陸戰隊一營。第一師步兵第一營。由官長統屬。兵士皆槍托向上。槍口向下。以表示誌哀之意。(十一)外人方面。有英美日法俄各國公使館隨員與旅各國人士。約五千餘人。就中以俄國日本人士最多。加大使親自執紼。(外人同時有攝電影者。沿途時聞機聲軋軋。(十二)先生親族宋子文。戴恩賽。李仙根等百餘人。(十三)引導人。分爲左紼右紼。左紼爲吳稚暉。于樹德等八十七人。右紼爲黃昌穀。朱和中。宮崎民莊。山田純二郎。井上謙吉。李石曾。易寅村。等八十三人。(十四)靈柩所至。諸人咸脫帽爲禮。沿途舉柩人各組。互爲換班。秩序極佳。(十五)口號。沿途有蕭人鵠等。有呼「孫中山主義萬歲。國民革命萬歲。打倒帝制主義。打倒軍閥」等口號。(十六)宋夫人乘青玻璃馬車。隨柩後行。最後有憲兵一隊。專供護衛。因人多行頗遲緩。至正午十二時一刻。孫靈柩始抵中央公園門首。執政府衛隊。軍樂隊。海軍部樂隊。海軍陸戰隊。及地方軍警等。已先入公園。站隊迎接。靈柩到時。軍樂大作。軍隊立正致敬。靈柩入園後。卽抬至社稷壇大殿靈堂安放。執紼人員入殿內布置靈堂。送殯人衆隨靈柩蜂擁前進。照料

人等。因靈襯尚未安置妥帖。當將殿門關上。無論何人。不准入內。送殯者均站立殿前空院。異常擁擠。大呼各種口號。聲震天地。並有國民會議促成會代表團。女子師大學學生。分數處演說。至下午一時。照料人等因靈堂尚未布置完畢。宣告送殯人衆。請暫退出。二十日再來祭奠。送殯人衆。始漸退出。惟陸續前往者仍絡繹不絕。二時許靈堂始布置完畢。靈襯置在社稷壇正中。上懸中山遺像及「有志竟成」橫扁。兩旁「掛革命尚未成功」「同志仍須努力」對聯。棺上蓋以青天白日旗。四周圍以銅欄杆。前花置藍及花圈多種。柱上均纏青天白日旗。靈後黑幔。爲孫宅家屬所住。二時餘執紼人員及家屬等。先後向中山靈襯行禮。亦相繼退出。只有宋夫人。孔庸之。戴天仇等。尙留靈堂未去。公園中男女人衆。則至下午七時猶未散盡。至園內佈置。頭門紫素彩牌坊一座。上綴「天下爲公」四字。社稷壇門。另搭素色彩綢牌坊一座。門內甬道兩旁。紮有十餘丈長之席垣。懸掛輓聯數千幅。社稷壇中央土台上。豎有青天白日大旗一面。社稷殿門及窗簷。滿用松柏葉裝蔽。並用黃白二色紙花點綴其間。殿之正門。上懸一松葉製匾額。題爲「國民救國」四大字。西南角踢球場內。有護國般若法會爲中山設壇。率經別具一種尊嚴氣象云。

大殯時之誌盛

二十二日爲孫中山先生大殯之期。上午八時起。由長安街公園至門口天安門一帶。分段有各團體各學校樹立白旗。在預定地集合。政府派出之陸海軍護靈隊。與警察保安隊。先後按次排立。執政代表大禮官黃開文。王頤蓀。朱紹陽。各部總次長。善後會議祕書長許世英。各機關代表。及各團體代表等。均於九時許。先後到齊。九時三十五分。執政代表及各關員。在靈堂行禮。至鞠躬獻花圈

。各界代表亦先後行禮。時距出靈時期尙遠。各來賓繼續前往行禮者。絡繹不絕。

十時二十分。孫家屬向靈行三鞠躬禮。十一時許發引。由于右任。張繼。李仙根等八人用青布帶挽棺。雙手抬出。馬湘手執宋慶齡女士贈送之紅色花圈後隨。羅馭雄手執青天白日滿地紅之旗幟前導。民黨盧師諦。吳稚暉。喻毓西。楊杏佛。李烈鈞等均在左右執紼。李世障。李榮等手抬先生遺像隨行。奏樂。至公理戰勝碑處稍停。由治喪處準備之美國白鶴公司拍照電影。國民軍第一師手槍隊隊長率兵士一連。作護靈隊。十一時五分至公園門口。全體來賓。在原地脫帽行禮。治喪處原擬用馬車運送遺柩。因有人謂馬車不適用。臨時改用汽車。車作長方形。黑色。四邊與頂端用青布紫成喪球。李仙根與馬超俊將遺柩舁入車內。宋慶齡女士花圈。置於棺上。馬湘與李榮二人坐於車內。照料一切。孫中山先生遺體首向前足向後。戴恩裳。孫科等將棺移正。由孔庸之將車門關掩。時宋夫人首障青紗。衣黑色夾袍。著高底鞋。亦在旁指揮。妥爲安頓先生遺體。淚涔涔下。噎不成聲。孫科等亦大泣不止。孫中山先生遺像。置於馬車內。四圍繞以段執政與黎元洪贈送之花圈。馬超俊。李仙根。黃惠龍。趙超。鄧彥華。吳雅覺。等身佩藍色徽章。任護靈事務。孫夫人乘第一號兩馬駕之黑車。其車頂亦繫有青色喪球。其餘家屬。分乘馬車十輛。車頂皆爲白喪球。

十一時。遺柩由公園出發。經西長安街。西單牌樓。西四牌樓。順電車道出西直門。赴西山本道。至高亮橋老爺廟大街。沿途秩序。係第一師第三團協同警察維持。各街巷口及店戶樓上。均立有男女來賓恭送。其勢不僅萬人空巷。電車亦暫時停駛。行進之次序。最前爲警察廳派出之自行車警察隊一隊。次爲保安警察隊隊長戴。保安分隊長劉執中第率領警察一大隊。警士皆背負槍。托向上。以誌哀意。警察廳軍樂一隊陸軍衛隊第二連。軍樂一隊。海軍陸戰隊一營。軍樂一連。執政府侍從

武官四十員。穿大禮服。乘馬隨行。當中有奉天代表在舊刑部街加入花園車一輛。各大中小學校團體。戒烟總會。廣東同鄉會。北京音樂隊。北京大學花圈隊。（四五百人）執政代表黃開文與李興中。熊希齡。各機關代表。俄使館參贊伊鳳閣。美。日。法。英。意。荷。各國使館職員。軍樂隊一隊。第一師第一團。執政府翊衛處。（乘馬）國民黨北京市黨部黨員。中華教育改進社。中國西北協會。四川民黨贈送三民五權大花圈。警察廳偵緝隊保安隊。憲兵營連長葉錫光率兵一連。軍樂隊一隊。國民軍手槍隊護靈隊。以上各組行進後。遺像車與靈柩車至。路旁諸人。咸脫帽爲禮。隨靈後有鄭洪年。馬叙倫等多人。執政府衛士教導隊。內眷馬車十輛。航空署派出飛機三架。繞空飛行。以便護送。內務部鳴砲三十三響。各機關一律下半旗。下午二時全隊至四牌樓。各校學生與各國代表軍警停止進行。分列兩行。直達西直門。花圈隊仍往前進。經觀音菴抵老爺廟。花圈隊分列兩行。靈車經過時。花圈隊各學生。紛向車上擲去。最後由汽車馬車載往西山。遺像車與宋夫人車至老爺廟。即改用汽車。至下午二時十五分。由西直門向西山出發。各學生沿途均大呼『孫中山先生主義萬歲。打倒軍閥。反對帝國主義。促成國民會議』等口號。萬人驚省。無不動容淚下。靈車出西直門時。招待人員答謝送殯者止送。至尙有願意再送者。即乘坐汽車同往。共計汽車六十餘輛。孫夫人及家族原乘馬車。因道途不平。臨時換乘汽車。路之兩旁。馮軍照料甚佳。秩序井然。及抵海甸。有培元小學。西郊中學。西郊女學。列隊行禮。市民均肅立道左。婦女就山穴席坐。以待靈襯經過。車經玉泉山。山口紮有白花牌樓一座。嵌以『中山先生主義萬歲』字樣。又有小牌樓標以『哀音』二字。下午四時二十五分鐘。靈襯到碧雲寺。郊外有香山慈幼院男女學生千餘人與清華學校童子軍一大隊。戎裝持槍。倍極整齊。中法學校全體學生。西郊小學。紳商市民團。又

用花製就牌樓。靈軍經過。一一爲禮。

至西山碧雲寺門口。有牌樓一座。橫額爲「天下爲公」四字。左聯爲「人羣進化」。右聯爲「世界大同」。至二重門有牌樓一座。橫額爲「中法大學敬奠孫中山先生」。聯爲「赤手創共和。生死不渝三主義。大名垂宇宙。英靈常耀兩香山」。至第五重門。有和尚釋淨輓軸爲「今世如來」。治喪處在寺內西院設有臨時辦事處。東廂房設有簽到處。茶點室。男女來賓招待處。停柩處在寺內第十一級最高峯「院塔」。塔高四丈許。爲明閣魏忠賢所造。四圍皆石製。塔中空。其內有二尺三寸高之石龕。龕之左右有石級。可登塔頂。俯視北京。全城在望。夜間登臨。萬家燈火。盡收目中。塔後爲西山。有羅漢松數百株。時作怒濤聲。治喪處因院塔過峻。運送遺體。頗感困難。特搭成木橋。約三十度之仰角。

遺體有吳稚暉。喻毓西。李仙根。馬超俊等昇至橋下。裝入準備之木箱內。箱之底端。有鐵輪四個。（滑車式）自橋上用青繩拖之上升。由孫科戴恩養安置於石龕內。其旁放置花圈多面。龕外有新設備之藍色鐵欄杆。龕外裝璜與治喪處靈堂完全相同。橫額爲「有志竟成」。聯爲「革命尚未成功」「同志仍須努力」。龕內懸有未署上下款之長聯。副其文云。「功高華盛頓。識邁馬克斯。行易知難。並有名言傳海內」「骨瘞紫金山。靈棲碧雲寺。地維天柱。永留浩氣在人間」。時正五時三十分。舉行公祭。先奏樂。讀祭文。諸人三鞠躬。唱追悼歌。奏樂。四川民黨最大之花圈。亦移放其中。此花圈運送時。甚費手續。由盧師誦唐午園付移送費十五元。送殯之李肇甫。熊希齡。李烈鈞。黃郛等因時間太晚。即留宿寺內。至孫夫人及其家屬。原定留在寺內。因有他事。臨時提議。於七時皆乘車回到鐵獅子胡同行轅云。

孫中山先生遺囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等約尤須於最短期間促其實現是所至囑

中華民國十四年二月二十四日

孫文三月十一日補簽

余因盡瘁國事不治家產其所遺之書籍衣物住宅等一切均付吾妻宋慶齡以爲紀念余之兒女已長成能自立望各自愛以繼余志此囑

中華民國十四年二月二十四日

孫文三月十一日補簽

筆記者 汪精衛 證明者 宋子文 孫 科 戴恩賽 邵元冲 吳敬恆 何香凝 戴季陶

鄒 魯 孔祥熙

三民主義

民族主義 就是從國際上列平等地位

民權主義 就是要拿本國的政治。弄成到大家在政治上有一個平等地位。以民爲主拿民來治國家。

民生主義 就是弄到人生計上經濟上平等

五權憲法

孫中山先生榮哀錄